



PERJANJIAN PENGAJIAN

ANTARA

DAN

MAJLIS AMANAH RAKYAT

DAN

PERJANJIAN

BERTARIKH : HB

PERJANJIAN INI dibuat pada hari dan tahun seperti yang dinyatakan di dalam Bahagian 1, Jadual kepada Perjanjian ini di antara pihak yang bernama dan beralamat seperti yang dinyatakan di dalam Bahagian 2, Jadual kepada Perjanjian ini (kemudian daripada ini disebut "Pelajar") sebagai pihak pertama;

DAN

MAJLIS AMANAH RAKYAT, sebuah badan berkanun yang ditubuhkan di bawah Akta Majlis Amanah Rakyat 1966 yang beralamat di Ibu Pejabat MARA, No. 21, Jalan Raja Laut, 50609 Kuala Lumpur (kemudian daripada ini di sebut "MARA") sebagai pihak kedua;

DAN

Pihak yang bernama dan beralamat seperti yang dinyatakan di dalam Bahagian 3, Jadual kepada Perjanjian ini (kemudian daripada ini disebut "Penjamin") sebagai pihak ketiga.

BAHAWASANYA:

- A. Pelajar telah memohon kepada MARA untuk mengikuti pengajian di institusi yang diluluskan oleh MARA dan MARA telah menawarkan program yang bersesuaian dengan kelayakan dan kekosongan yang ada kepada Pelajar untuk mengikuti program seperti yang dinyatakan di Bahagian 4, Jadual kepada Perjanjian ini (kemudian daripada ini disebut "Program tersebut") di sebuah institusi latihan yang telah diluluskan oleh MARA seperti yang dinyatakan di dalam Bahagian 5, Jadual kepada Perjanjian ini (kemudian daripada ini disebut "Institusi tersebut") dan MARA telah bersetuju Pelajar mengikuti Program tersebut tertakluk kepada syarat-syarat yang terkandung kemudian daripada ini.
- B. Penjamin telah bersetuju untuk menggerenti perlaksanaan oleh Pelajar terhadap kewajipan dan tanggungan-tanggungannya di bawah Perjanjian ini dan selanjutnya bersetuju untuk melepaskan tanggungan MARA terhadap apa-apa kerugian yang mungkin ditanggungnya dari kemungkiran oleh Pelajar terhadap Perjanjian ini atau mana-mana bahagiannya.

DENGANINI DIPERSETUJUI DAN DIAKUI SEPERTI BERKUT:-

1. Pelajar dengan kebenaran dan persetujuan Penjamin bersetuju:-
 - 1.1 akan memasuki dan dengan sesungguhnya meneruskan dan menyempurnakan Program tersebut untuk tempoh seperti yang dinyatakan di dalam Bahagian 6, Jadual kepada Perjanjian ini (kemudian daripada ini disebut "Tempoh tersebut") dan akan menamatkan Program tersebut dalam Tempoh tersebut atau dalam masa yang lebih lama sebagaimana yang diluluskan oleh MARA;
 - 1.2 akan sentiasa berkelakuan baik di sepanjang Program tersebut dan hendaklah mematuhi semua peraturan tatatertib dan disiplin Institusi tersebut dan lain-lain peraturan yang berkuat kuasa;
 - 1.3 tidak akan mengambil bahagian dalam apa-apa jua kegiatan pada sepanjang tempoh tersebut yang pada pendapat MARA tidak berfaedah kepada Pelajar MARA atau Negara; dan Pelajar juga hendaklah menjauhkan diri daripada mengambil bahagian dalam gerakan tersebut.

- 1.4 Pelajar adalah bertanggungjawab untuk mengambil perkhidmatan insuran berkumpulan bagi menjaga keselamatan untuk Tempoh tersebut.

Jika didapati bahawa Pelajar telah tidak mematuhi apa-apa kehendak atas syarat-syarat yang dibuat di bawah Fasal 1 di atas, kecuali setelah mendapat kebenaran MARA, maka dalam mana-mana hal yang sedemikian itu bolehlah MARA mengikut budi bicaranya yang mutlak memberhentikan Pelajar daripada mengikuti Program tersebut atau di mana difikirkan perlu Pelajar dikenakan tindakan disiplin yang sewajarnya.

2. Seterusnya adalah dipersetujui dan diakui jika Pelajar:

- 2.1 meninggalkan latihan sebelum tamat latihan tanpa menerima persetujuan daripada MARA;
- 2.2 enggan atau oleh kerana tingkah lakunya atau kemajuannya tidak memuaskan atau didapati tidak layak melanjutkan program tersebut;
- 2.3 disingkir atas sebab disiplin

maka Pelajar dan juga Penjamin adalah bersama-sama dan masing-masing bertanggungjawab untuk diri mereka, waris atau pentadbir mereka membayar balik kepada MARA semua wang yang telah dibelanjakan oleh MARA kepada Pelajar tersebut.

3. Maka adalah selanjutnya dipersetujui dan diakui bahawa:

- 3.1 MARA jika difikirkan perlu akan mencalon Pelajar untuk menjalani latihan amali atau latihan sambil bekerja di mana-mana agensi latihan semasa mengikuti Program tersebut.
- 3.2 Semasa menjalani latihan amali / sambil bekerja di agensi latihan tersebut Pelajar dikehendaki mematuhi syarat-syarat / peraturan-peraturan agensi latihan tersebut.
- 3.3 Pelajar tidak dibenarkan menukar jenis latihan dan tempat latihan dari satu agensi latihan ke agensi latihan lain tanpa kebenaran MARA.
- 3.4 Pelajar dikehendaki memberi kerjasama serta mematuhi peraturan-peraturan dan arahan-arahan yang dikenakan oleh agensi latihan.
- 3.5 Pelajar akan diberi elauan bagi mengikuti Program tersebut dan ia tidak boleh meminta atau mengharapkan sebarang bantuan sama ada berupa wang atau kemudahan lain dari agensi latihan.

Jika didapati bahawa Pelajar telah tidak mematuhi apa-apa kehendak atau syarat di bawah Fasal 3 di atas, maka di dalam mana-mana hal yang demikian itu bolehlah MARA mengikut budi bicaranya yang mutlak memberhentikan Program tersebut dan Pelajar serta Penjamin hendaklah bersama-sama dan masing-masing bertanggungjawab terhadap apa-apa kerugian yang mungkin ditanggung oleh MARA akibat dari kemungkiran oleh Pelajar terhadap syarat-syarat tersebut.

4. Maka adalah selanjutnya dipersetujui dan diakui bahawa jika Pelajar pada bila-bila masa dalam tempoh tersebut:
- 4.1 telah pada pendapat MARA berkelakuan salah laku secara yang mungkin mencemarkan nama baiknya atau nama baik negerinya, atau nama baik Institusi tersebut; atau
 - 4.2 Telah mengambil apa-apa bahagian dalam apa-apa penghasutan atau menunjuk perasaan di mana-mana tempat oleh apa-apa pertubuhan, badan atau kumpulan orang yang memudaratkan kepentingan negara atau MARA atau Institusi tersebut; atau
 - 4.3 telah menyediakan atau mengaturkan dengan apa-apa cara atau mengambil apa juga bahagian menyedia atau mengaturkan apa-apa penghasutan atau tunjuk perasaan dimana-mana tempat oleh apa-apa pertubuhan, badan atau kumpulan orang, yang memudaratkan kepentingan negara atau MARA atau Institusi tersebut; atau
 - 4.4 telah menyediakan, menyiarkan, membahagi atau mengedarkan atau mengambil bahagian dalam apa-apa cara dalam menyedia, menyiarkan, membahagi-bahagi atau mengedarkan apa-apa dokumen-dokumen yang memudarat kepentingan Negara atau MARA atau Institusi tersebut; atau
 - 4.5 telah membuat apa-apa pernyataan di sesuatu perhimpunan, apa-apa kumpulan orang di mana-mana tempat, yang memudaratkan kepentingan negara atau MARA atau institusi tersebut; atau
 - 4.6 telah gagal atau meninggalkan Program tersebut sebelum tamat Tempoh tersebut; atau
 - 4.7 enggan atau oleh kerana salah lakunya sendiri atau oleh sebab tiada kemajuan menjadikan dirinya tidak memuaskan atau tidak sesuai untuk mengikuti Program tersebut;
 - 4.8 berkahwin tanpa terlebih dahulu mendapat kelulusan bertulis dari MARA ;
 - 4.9 bekerja baik yang berpendapatan ataupun tidak tanpa terlebih dahulu mendapat persetujuan MARA ;
 - 4.10 tidak akan menjadi seorang ahli atau mengambil bahagian dalam kegiatan apa-apa aktiviti Parti Politik, Kesatuan Sekerja, Pertubuhan, badan atau kumpulan orang yang tujuan atau kegiatan-kegiatan itu adalah pada pendapat MARA boleh boleh ditafsirkan sebagai bercorak politik sama ada di dalam atau di luar Institusi tersebut atau Malaysia tanpa terlebih dahulu mendapat kelulusan bertulis dari MARA dan MARA mengikut budi bicara mutlaknya boleh memberi atau tidak memberi kelulusan itu;

maka dan dalam mana-mana hal yang sedemikian itu bolehlah MARA mengikut budi bicaranya yang mutlak menarik balik atau berhenti daripada memberikan apa-apa jumlah selanjutnya berkenaan dengan jumlah atau jumlah-jumlah tambahan tersebut di bawah mana-mana peruntukan Perjanjian;

maka dan dalam mana-mana hal sedemikian Pelajar dan Penjamin hendaklah bersama-sama dan masing-masing bertanggung jawab bagi pihak mereka atau diri masing-masing dan wakil mereka atau wakil di sisi undang-undang untuk dengan serta-merta membayar balik kepada MARA apa-apa kos yang telah ditanggung oleh MARA.

5. MARA bolehlah pada setiap masa tanpa menyentuh jaminan Penjamin dan tanpa melepaskan atau dengan apa-apa jalan menyentuh tanggungan Penjamin di bawah Perjanjian ini:

5.1 memberi kepada Pelajar apa-apa masa atau lain-lain keperluan;

5.2 mengubah, mengubahsuai atau meluaskan syarat-syarat

Perjanjian ini

6. Jika pada bila-bila masa dalam masa berjalannya Perjanjian ini Penjamin :

6.1 meninggal dunia ;

6.2 tidak tinggal dalam Malaysia ;

6.3 tinggal di luar Malaysia lebih daripada dua belas (12) bulan berturut-turut;

6.4 dihukum menjadi bankrap

6.5 mendapat perintah pentadbiran pemakan gaji ;

6.6 tidak sempurna akal ;

maka pada masa itu dan pada tiap-tiap kali berlakunya yang demikian pihak ketiga hendaklah mencari atau Pelajar bolehlah mencari seorang Penjamin lain yang memuaskan MARA dan yang bersedia serta sanggup menggantikan tempat Penjamin yang meninggal dunia atau tidak lagi tinggal seperti (6.2) di atas atau yang tinggal di luar Malaysia seperti (6.3) di atas atau yang menjadi bankrap atau yang mendapat perintah pentadbiran pemakan gaji atau menjadi tidak sempurna akal ;

DENGAN SYARAT BAHAWA jika sekiranya pengganti Penjamin tersebut tidak dapat dicari atau tidak sanggup membuat Perjanjian ini, maka bolehlah MARA atas opsyennya pada bila-bila masa selepas itu menarik balik atau memberhentikan Perjanjian ini dan dengan demikian Pelajar tidak lagi berhak kepada apa-apa faedah di bawah Perjanjian ini dan dengan itu Pelajar bertanggung jawab membayar balik kepada MARA ganti rugi berupa wang yang semua yang dibayar oleh MARA.

7. Adalah dengan ini dipersetujui dan diakui bahawa walau apapun yang terkandung sebelum ini niat atasnya, MARA bolehlah dengan memberi satu (1) bulan notis bertulis kepada pelatih, menarik balik atau menggantung atau menamatkan Perjanjian ini pada bila-bila masa tanpa memberi apa-apa sebab baginya dan dengan itu semua faedah kepada Pelajar di bawah Perjanjian ini hendaklah terhenti.

8. Adalah dengan ini dipersetujui bahawa jadual dan syarat-syarat tambahan yang dilampirkan bersama surat tawaran yang bertarikh menjadi sebahagian daripada perjanjian ini.
9. Dalam Perjanjian ini, perkataan-perkataan yang membawa maksud sebagai orang lelaki hendaklah disifatkan termasuk pihak perempuan dan lain-lain pihak dan bilangan tunggal termasuk bilangan banyak dan sebaliknya melainkan perkara tersebut berlawanan dengan Perjanjian ini.
10. Dalam Perjanjian ini, perkataan agensi latihan membawa maksud yang meliputi Jabatan, Badan Berkanun dan Firma Swasta.
11. MARA tidak akan bertanggungjawab di atas sesuatu kecederaan, kemalangan atau kematian berbangkit daripada sesuatu kejadian kepada Pelajar melainkan apabila kecederaan, kemalangan atau kematian itu disebabkan oleh atau berpunca dari kelalaian atau kecederaan atau ketidak sempurnaan kerja yang dilakukan oleh MARA, wakil-wakilnya atau pekerja-pekerjanya semasa melaksanakan kerja-kerja yang dilakukan mereka.
12. Duti setem yang dibayar ke atas Perjanjian ini hendaklah ditanggung dan dibayar oleh Pelajar.

PADA MENYAKSIKAN HAL-HAL DI ATAS, pihak-pihak yang tersebut dalam Perjanjian ini telah menurunkan tandatangan dan meteri mereka pada haribulan dan tahun yang mula-mula tertulis di atas.

Ditandatangani oleh]
PELAJAR]

]
] Tandatangan Pelajar

di hadapan :

Nama :]
No.Kad Pengenalan :]
Cop Rasmi Jawatan :] Tandatangan Saksi

Disempurnakan, ditandatangani]
dan diserahkan oleh :]
bagi pihak MAJLIS AMANAH RAKYAT]
di hadapan :]

Ditandatangani oleh]
PENJAMIN]
]
] Tandatangan Penjamin

di hadapan :

Nama :]
No.Kad Pengenalan :]
Cop Rasmi Jawatan :] Tandatangan Saksi

JADUAL

**Butir-butir Yang Terkandung Dalam Lampiran Ini Dianggap Dan Dibaca Sebagai
Sebahagian Perjanjian Ini.**

	BAHAGIAN	BUTIR-BUTIR
1.	TARIKH PERJANJIANhb.....
2.	NAMA DAN ALAMAT PELAJAR	NAMA : ALAMAT : NO. K/P :
3.	NAMA DAN ALAMAT PENJAMIN	NAMA : ALAMAT : NO. K/P :
4.	PROGRAM TERSEBUT	
5.	INSTITUSI TERSEBUT	
6.	TEMPOH TERSEBUT	

PANDUAN MENGISI DOKUMEN PERJANJIAN

SILA BACA DENGAN TELITI KETERANGAN INI SEBELUM MENGISI DOKUMEN

PERJANJIAN

1. Setiap pelajar yang ditawarkan adalah dikehendaki memenuhi dan menandatangani **tiga (3) salinan dokumen perjanjian.**
2. Dokumen perjanjian hendaklah diisi dengan berhati-hati dan cermat dengan tulisan yang jelas **menggunakan pen dakwat atau ball pen hitam atau biru sahaja.** Salinan karbon atau dakwat selain daripada hitam dan biru, atau tulisan bertindih atau berulang (*over-lapping*) tidak dibenarkan.
3. Sebarang kesilapan hendaklah dipotong dengan satu garisan sahaja dan ditandatangani (*initial*) oleh pelajar dan kedua-dua penjamin di tepi kesilapan. Penggunaan sebarang cecair pemadam (*liquid paper / correcting fluid*) untuk tujuan pembetulan adalah tidak dibenarkan.
4. Sekiranya dokumen perjanjian tidak dipenuhi dengan sempurna mengikut peraturan-peraturan / cara-cara yang ditetapkan, pembayaran elauan akan digantung sehingga diperbetulkan semua dengan sempurna.
5. **SAKSI** bagi pelajar dan penjamin hendaklah terdiri daripada pegawai-pegawai seperti berikut;
 - i Pegawai-pegawai MARA Negeri / Daerah dari kumpulan A dan B
 - ii Pegawai-pegawai dalam perkhidmatan Perundangan dan Kehakiman seperti Majistret, Peguam dan sebagainya.
 - iii Pegawai-pegawai Kerajaan atau Badan Berkanun Kumpulan A dan B
 - iv Penghulu atau Ketua Kampung atau Ketua Mukim atau Jaksa Pendamai yang mempunyai cop jawatan rasmi.

Saksi hendaklah menandatangani serta menurunkan butir-butir diri (Nama dan No. Kad Pengenalan) dan Cop Rasmi Jawatan serta Jabatan mereka pada ruangan yang telah disediakan. Seorang saksi boleh menjadi saksi kepada Pelajar dan Penjamin.

6. Syarat –syarat yang membolehkan seorang menjadi **PENJAMIN** ialah :

- i Warganegara Malaysia
- ii Berpendapatan tetap tidak kurang RM500.00 sebulan bagi pegawai kerajaan atau swasta
- iii Umur tidak melebihi 50 tahun
- iv Seorang penjamin dibenarkan menjamin 2 orang pelajar sahaja pada satu masa
- v Ibu atau bapa (Tiada had umur)
- vi Pegawai MARA tidak dibenarkan menjadi penjamin kepada pelajar kecuali anak sendiri.

7. Setem Hasil sebanyak RM10.00 hendaklah dimatikan disudut kanan muka hadapan tiap-tiap dokumen perjanjian di mana-mana Pejabat Pemungut Cukai Setem (Lembaga Hasil Dalam Negeri) sebelum dikembalikan kepada institusi. Proses matikan setem boleh dilakukan walaupun wakil MARA/saksi MARA belum menandatangani dokumen perjanjian.

CONTOH

MUKA HADAPAN DOKUMEN PERJANJIAN

Gunakan Huruf Besar Sahaja (Block Letters)

**PERJANJIAN
PENGAJIAN**

ANTARA

(Tulis Nama Pelajar)
HURUF BESAR

.....

DAN

MAJLIS AMANAH RAKYAT

DAN

(Tuliskan Nama Penjamin)
HURUF BESAR

.....

BERTARIKH :
(TARIKH MATIKAN SETEM)

CONTOH

MUKA SURAT 6 DOKUMEN PERJANJIAN

Ditandatangani oleh PELAJAR

.....

Tandatangan Pelajar

Di hadapan :

NAMA: DAUD BIN AHMAD

No Kad Pengenalan : **A 1234567**

Cop Rasmi Jawatan: **Pegawai Daerah
Raub PAHANG**

}

.....
Tandatangan Saksi

Disempurnakan, ditandatangani dan diserahkan oleh :
bagi pihak MAJLIS AMANAH RAKYAT

}

di hadapan :

Di tandatangani oleh
PENJAMIN

}

.....
Tandatangan Penjamin

Di hadapan:

NAMA: DAUD BIN AHMAD
No Kad Pengenalan: **A 1234567**
Cop Rasmi Jawatan: **Pegawai Daerah
Raub PAHANG**

}

.....
Tandatangan Saksi



CONTOH

MUKA SURAT 7 DOKUMEN PERJANJIAN – JADUAL

BAHAGIAN		BUTIR-BUTIR
1	Tarikh Perjanjianhb <i>(penuhkan seperti tarikh setem dimatikan)</i>
2	Nama dan Alamat Pelajar	Nama: Alamat : No KP :
3	Nama dan alamat Penjamin	Nama: Alamat: No KP :
4	Program Tersebut	Isikan nama program seperti dalam surat tawaran
6	Institusi Tersebut	Isikan nama institusi seperti dalam surat tawaran
7	Tempoh tersebut	Isikan tempoh pengajian seperti dalam surat tawaran